

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ, INF.

Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS,

mane discutienda in Scholis Medicorum, die Martis decimâ-quintâ mensis

Januarii. An. Domini M. DCC. LXXI.

M. Claudio Thoma-Guillielmo GUILBERT DE PREVAL,
Doctore Medico, Præside, rei Herbariæ Professore designato,
Cristiani VII. Daniæ & Norvegiæ Regis Consiliario Medico,
à Medicis Consiliis, necnon Rerum Medicarum à Relatione.

An, ut Sanguinis, ita & Lymphæ alibilis, detur per arterias & venas proprias Circuitus?

I.



UTRIRI, crescere, reparari, ad saniorem perfectioremve statum Physicè progredi, illud est omni corpori, etiam inanimato, congenitum. Huc tendunt omnes naturæ motus, huc machinarum omnis ferè generis, ex quibus totum quasi consilatur corpus humanum, mirum artificium, mira proportio. Omnes corporis viventis functiones, motu alterno solidorum in fluida, fluidorum in solida peraguntur. Sic chylosis, hæmatosis, sic humorum omnium sive recrementitiorum, sive excrementitiorum secretio, sic Lymphæ alibilis præparatio, applicatio: corporisque animalis nutritio, augmentum aut reparatio, perficiuntur. Horum naturam genuinam, mechanismum is solus perfectè novit, qui rerum essentias in sui ipsius naturâ videt; qui, quæcumque voluit, propter semetipsum operatus est. Omnes etenim de rebus creatis cognitiones, sicut res ipsæ creatæ, à nihilo, ut ita dicam, esse cœperunt. Ars Medica, si quæ sit, certè salutaris; licet ipsi mundo cœva, per multa sæcula nulla ferè fuit; Quibusdam tantum fortuitis, incertis experimentis: paucarum plantarum fallaci Empiricâ scientiâ, tota consistens. Harum cognitionum paulatim sinè sensu crevit numerus, crevit certitudo, donec his invicem collatis, explicatis, prima posuit Artis & Scientiæ fundamenta Divinus Hippocrates, certo judicio & longâ factorum serie innixus. Ast inde quantum à recto tramite deviatum est, dum observationis parum solliciti, ad excogitanda systemata varia, eò ingeniores facti sunt Philosophi Medici, quò minus, naturæ studendæ, interrogandæ, ipsiusque secretis scrutandis, seduli. Cum causas rerum primarias ponere voluerunt, umbram pro veritate, nubem pro Junone captarant miserè delusi; donec tandem Harvæus immortalis, detecto & demonstrato circuitu sanguinis, novam formam novumque robur addidit Medicinæ Hippocraticæ; & dein, probatâ arteriarum lymphaticarum existentia, cognitâ proinde duplici circulatione in corpore humano, vera lux Medicæ theoriæ illuxit; dum simul patuit, primam sive Harvæam, circulationem, materiæ nutritiæ præparandæ, secundam verò quæ per lymphatica fit, eidem applicandæ prospicere; sicque nutritionem partium, augmentum

* Auctore, HUGO GAUTIER, anno 1761.

2
& reparationem fieri, sicque naturam suum scopum attingere in oeconomia animali, cum omnes ejus operationes ad individui conservationem ultimò referantur.

I I.

IPSIUS vitæ actione sensum deterimur, alterno & non interrupto cordis & arteriarum motu, ad omnes & singulas corporis partes protruditur vitalis rivus; it, reditque pluries singulis horæ momentis. Hinc solida abradi, imminui fluida necesse est; reparanda ergo veniunt utrisque illata vi vitæ damna, si præcipitem ruinæ gradum tardare volueris, tollere impotens. Huic operi, labore indefesso, tota incumbit natura. At ex Hippocrate, *alut concoctum*, & cum quod a singulis partibus defluit tale est qualis ipsa pars, nil autem eorum quæ edimus, aut bibimus, tale prorsus est; hinc necesse habuit naturam prius immutare & conquiescere illa & alendo corpori prius preparare. Huc omnes vitæ actiones conspirant, & ultimo referuntur mediante circuitu sanguinis. Dum enim placidè suas peragrat vias, singulis partibus proprios imperit humores, quibus singulæ, in communi opere, symbolum conferunt suum. Sic ori saliva, ventriculo succus stomachalis, hepatis bilis utraque procreatur, juxta naturæ leges & fines. Undè inestum quodcumque sit chylus, fluidus, albidus, æquabilis, subdulcis, homogeneus, qui dum veteri cruori permiscetur, intimèque confunditur, vasorum actione subigitur, repurgatur, densior fluidiorque factus exurgit sanguis ruber & purpureus; qui licet tanto opere elaboratus, repurgatus, non est, nec esse potest succus alibilis verè dicendus. Hic enim tenuis & penetrans, partium fatiscientium rimas & loculamenta subit: quod lentoris & visciditatis habet, distillato superfluo phlegmate, calore & motu loci, debitos faciliè acquirit firmitatis & duritiæ gradus, partibusque nutriendis accrescit, ut una eademque fiat natura: omnis acrimoniæ expers, omninòque insulsus, nihil quod emineat aut per se existat in se recondens, solamen, nutritionem, reparationem, augmentum, vitam affert: non labem, non ruinam: omnibus partibus congener omnibus nutriendis sufficit: Lentè motus, inter hiatus partium transtitè insinuat placido, iisque, vi vitæ, compingitur.

I I I.

TOT ac tantas dotes succi alibilis à Sanguine rubro ne expectes, qui non omnes corporis partes absolutè alluit & evidenter. Omnes albidas esse & spermaticas, ne exceptis quidem iis quas sanguineas dixerunt Antiqui, vidit in rebus anatomicis oculatissimus Ferrein. Imò etiam globulos sanguinis rubros, suo colore orbatos vidit Lewenoeckius: muscoli, hepar, & aliæ id genus partes, calidà pluries ablutæ, larvam deponunt. Non ergo universalis sanguis ruber, omnibus corporis partibus nutriendis par est: non intuper insulsus, non dulcis facultate, non omnium duritiæ graduum capax, non sat lentè motus. Idem de ejus sero falso, aquoso, crassiori dicas. Soli proindè Lymphæ competit omnibus partibus, pro variâ earum naturâ & actione, nutritionem, reparationem, vitam conciliare. Sola tenuis, penetrans viscosa, colore ossa, tendinea, carnea, &c. insulsa, universalis, lentè mota. Sola antè natum sanguinem & chylum, prima foetus rudimenta vix dum delineata, vivificat fovet, nutrit & expandit in magnam subito molem. Vulnere labris deterfis undiquè depluit benignus liquor, ubiquè beneficus; sola omnibus partibus nutriendis bene compar, cum omnes albidæ sint & solâ forsan duritie, configuratione, laxiori strictiorive compage differant inter se & ab ipsâ Lymphâ fluiditatis motu quo orbantur; sola densior sanguine eisque sero, corpori animali nutriendo requisitum attenuationis gradum acquisivit; Sola insulsa & facultate dulcis, mollia & tenerissima corporis stamina tubire, penetrare sine labe potest. Omnes ejus dotes ab ovi albumine accipe à quo, nec experimentis, nec analysi Chemicâ hucusquè differre probatum est.

I V.

AT in quânam corporis parte, quibuscumque vasis inest tam pretiosus liquor, verè utilis, dicam! Sæculo proximè elapso, invenit Bartholinus, quæ à liquo-

De Alim.

Comment.

11. in lib. de
Alim. Hip.

ris contenti cum lymphâ similitudine *lymphatica* & ab inventore *Bartholiniana* dicta sunt. Ex omnibus quidem partibus, carneis, osseis, membranaceis, nerveis; tendineis, procedunt, sed hæc meræ sunt venæ valvulosæ, revehant non advehunt, sua liquida: at ad circulationem arteriosa quæ vehant, venosa quæ revehant, absolutè requiruntur. Physici, inter quos solo nomine laudandus Boerrhaavius, arteriosa & venosa vasa cuique humori propria concesserant; Sic, sero serosa, bili biliosa, spirituosa spiritibus: &c. at sinxerunt tantum, non demonstrarunt, siquidem nullus anatomicorum vidisse se asserit, Imò hujusce opinionis author Boerrhaavius eas præ exili pelluciditate invisibiles declarat & alibi invictè probat, & ex dictis concludit. *omnia vasa lymphatica hæcenus* (1726) *exarata & descripta*, meras esse venas: nam inquit, 1°. *ex minoribus ramis in ampliora ducunt*: 2°. *à radicibus invisibilis gracilescunt & majora sunt accretione vasorum lateraliū quæ se in majus exonerant*: 3°. *omnia vasa lymphatica habent valvulas, verum nulli in corpore in arteriis valvulæ reperiuntur*: 4°. *hæc omnia vasa lymphatica vasis majoribus cordi reddunt*. Ad asserti veritatem omnes authores qui de lymphaticis scripserunt, omnes figuras delineatas invocant. At quid non cogit amor veri! labor improbus! has arterias lymphaticas, omnibus hucusque invisas, ab omnibus licet suppositas vidit *Ferrin*. Perpicacissimis eruditissimisque viris certè annumerandus. Harum ortum, progressum, insertionem, differentias in utero menstruata, obscurè quidem primò, sed in oculo dein humano ipsâ luce clariùs vidit, & coram Regiâ Scientiarum Academiâ demonstravit, suisque Discipulis palàm facit quotannis, & ipsemet vidi. Oriuntur autem tenuissimis, numerosissimisque truncis à majori uveæ circulo & ad minorem circumculum extenduntur; undè vix lineam semissem progressæ, innumeros quaquaversùm, arteriarum more, ponè & suprà invicem positos emittunt furculos, qui angulos acutos cum suis truncis, pupillam prospicientes efformant mirando sanè spectaculo. Horum majores trunci ad marginem pupillæ serpendo extenduntur, & sæpe à dextrâ parte ad sinistram, & vice versâ, à sinistrâ ad dextram emittunt propagines versùs uveæ centrum quàm simetricè dispositas. Linæi gossipini filamenta ferè æquant crassitie, & vix tamen credas, nisi videris, quàm nitidè, quàm evidenter in oculis etiam aliquatenus marcidis, non parî quidem numero & crassitie ac in recentibus & viventibus, licet in his paulò magis confusæ appareant. Videatur insuper quæ in actis Regiæ Scientiarum Academiæ, anno 1741, hæc de re protulit Author eximius non uno hoc invento clarus. Duplicis autem generis esse vasa illa lymphatica, sicut & sanguinea, hinc patet, 1° quòd injectus in carotidem liquor, in arteriam nervi optici comitem, in arterias scleroticam perforantes, in arteriolum uveæ circumculum, & tandem in arterias quasdam lymphaticas quibus dat originem, potrudatur: 2° ex infinitis horum propaginibus arteriarum hinc inde emissis, novæ lymphaticæ venæ, sub ipso arterioso circulo nascuntur, & in venas choroidæ sanguineas se exonerant, pluribus factis antea circuitibus in ipsius substantiâ. Vidit etiam inventor perspicacissimus, non sinè labore quodam in venas congeneres & continuas idem liquidum penetrare. Sic se habent vasa arteriosa & venosa recentia ab authore *Ferrinea* dicenda, tandem magno Medicinæ emolumento inventa, & quorum existentia pro certissima in rebus Anatomicis jam habenda est.

V.

EGREGIUM sanè inventum, & immortalite dignum! Quis jam in Medicinâ hospes suis ipsissimis oculis non vidit! quot & quanta in Medicinæ theoriâ deriventur commodè, paucis accipe. Jam constat non omnino invisibilia esse secretiorum organorum prima valcula, cum hæc *Ferrinea* lymphatica merè sint secretoria, & sola vitri lenticularis ope, cujus focus sit quinque aut sex linearum, nullâ præviâ injectione, conspicua se præbent in cæsis maximè oculis, recentibus, viventibus aut etiam marcidis, avulsâ tantum anteriori scleroticæ parte, & in internâ uteri superficie sub retis cujusdam albicantis specie, & menstruorum tempore, rubicundæ aut leniter purpuræ. Jam pater quid sint fibræ posticæ partis uveæ, ejusque vasa Ruyfchiana sanguinea, imò

4

quid sit uvea ipsa. Jam denique patet diù reconditum nutritionis opus. Duplici substantiâ sanguinem constare jam à multo tempore notum est, globulosâ & rubrâ unâ, pelucidâ verò & albicante alterâ. Quæ invicem mixtæ & confusæ cor. his actione, & arteriarum elatere, ad omnes corporis partes propelluntur per truncos arteriosos eorumque propagines. Ast, ubi ad capillamenta, his iglobulis rubris impervia, deveniêre, has à se invicem fecedere necesse est. Rubra pars, paucò sero innatans, arteriosa trajicit capillamenta per venas contiguas ad cor reditura; dùm nova *Ferrinea* lymphatica ab ipsis rubris arteriis orta, solam lympham combibunt, & arteriarum more, in furculos minores atque minores dividuntur, vitam, nutritionem, robur, ubique deferentes. Tum per horum vasorum poros roris ad instar exhalantes, alibiles & spirituosæ, penè dicam, quas continet Lympha particulæ, motu quo gaudent vascula vacuolis applicantur, fiuntur, calore loci, rimis, meatibus agglutinantur, concrescunt. Sicque tale prorsus & quale perditum est, jugiter parat, affert & addit benè provida natura duplicis circulationis ope: superfluum interea novis congenerilis & *Ferrineis* reforbetur venis, quæ successivè minoribus vasculis sibi invicem occurrentibus auctæ & accretæ, majores truncos efformant, tunc tantùm visibiles, cùm se in vasa sanguinea exonerant, vel forsan valvulosos Bartholianis secundi generis locum dant; sicque cordi restituitur Lympha nutritia residua, undè concludere juvat:

Ergò, ut Sanguinis, ita & Lymphæ alibilis, datur per arterias & venas proprias circuitus.

DOMINI DOCTORES DISPUTATURI.

M. Edmundus - Thomas
MOREAU.

M. Petrus-Ludovicus-Ma-
ria MALOET.

M. Benjaminus-Ludovicus
LUCAS DELAUREM-
BERT.

M. Joannes-Baptista THU-
RANT.

M. Carol. Guille DESAINT
LEGER, Eques, Consi-
liarius Medicus Regis or-
dinarius primi ordinis &
totius Equestris agminis
in exercitu Medicus pri-
marius.

M. Leander PEAGET, An-
tiquus Consiliarius Me-
dicus Regis ordinarius in
ejus Castellato.

M. Ludovicus-Petrus-Felix-
Renatus LE THIEUL-
LIER, Saluberrimæ Fa-
cultatis Decanus, Regis
Consiliarius & in Majori
Consilio, necnon in Ma-
gnâ Regiæ domus &
Franciæ Præfecturæ Me-
dicus ordinarius.

M. Antonius GARNIER.

M. Ludovicus - Guillelmus
LE MONNIER, Consiliar.
Medicus Regis ordinarius
Primarius Regiarum Pa-
risiensis, Londinensis ac
Berolinensis Academiarum
Socius & in Horto Regio
Botanices Professor ac De-
monstrator.

Proponebat Parisiis JOANNES-JACOBUS PAULET, Occitanus,
Diocæsis Aleiensis, Doctor Medicus Monspeliensis, necnon Saluberrimæ
Facultatis Medicinæ Parisiensis Baccalaureus, A. R. S. H. 1771;

A SEXTA AD MERIDIEM.